

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 359. sjednici, održanoj 19.04.2023. godine, donosi i

ZAKLJUČAK

1. Vlada Federacije Bosne i Hercegovine prima na znanje Informaciju Federalnog ministarstva okoliša i turizma vezanu za implementaciju odredbi Zakona o zaštiti okoliša i Zakona o zaštiti zraka, neophodnosti harmonizacije propisa i jačanja kapaciteta inspeksijskog nadzora.

2. Federalno ministarstvo okoliša i turizma se obavezuje da pristupi izmjeni i dopuni Zakona o zaštiti okoliša, u kojem će se između ostalog, preciznije definisati nadležnosti inspeksijskih organa općine, kantona i Federacije Bosne i Hercegovine u cilju adekvatne zaštite okoliša.

3. Federalno ministarstvo okoliša i turizma se obavezuje da pruži pomoć u organizaciji edukacije FUZIP i kantonalnih inspekcija zaštite okoliša u skladu sa novim propisima.

4. Federalno ministarstvo okoliša i turizma se obavezuje da predloži Vladi Federacije Bosne i Hercegovine formiranje Radne grupe/Komisije na rok od 5 godina, koja će imati zadatak da pripremi mišljenje u vezi sa ponovnim razmatranjem i izmjenama okolinske dozvole, u skladu sa čl. 94. i 97. Zakona o zaštiti okoliša („Službene novine Federacije BiH“, broj: 15/21). Komisija/Povjerenstvo treba da se sastoji od predstavnika: Federalnog ministarstva okoliša i turizma, Federalnog ministarstva energije, rudarstva i industrije, Federalnog ministarstva poljoprivrede, vodoprivrede i šumarstva, Federalne uprave za inspeksijske poslove, te predstavnika civilnog sektora-stručnjaka iz oblasti zaštite okoliša.

5. Federalno ministarstvo okoliša i turizma će predložiti Vladi Federacije Bosne i Hercegovine sastav intersektorske Radne grupe koja će raditi na analizi i harmonizaciji propisa: Zakona o prostornom planiranju i korištenju zemljišta na nivou Federacije Bosne i Hercegovine, Zakona o vodama, Zakona o zaštiti okoliša, Zakona o električnoj energiji, Zakona o inspekcijama Federacije Bosne i Hercegovine i drugim propisima. Radna grupa bi dala smjernice za harmonizaciju propisa kada su u pitanju urbanističke, građevinske, dozvole za eksploataciju, energetske dozvole, upotrebne dozvole, vodni akti, okolišne dozvole i drugi akti koji se izdaju u skladu sa Zakonom o zaštiti okoliša, te preporuke i smjernice u kojem pravcu je sistemski potrebno reformisati nadležnost inspekcije kako bi imala efektivniju ulogu u cijelom procesu. Radna grupa će se sastojati od predstavnika: Federalnog ministarstva okoliša i turizma, Federalnog ministarstva poljoprivrede, vodoprivrede i šumarstva, Federalne uprave za inspeksijske poslove, Federalnog ministarstva prostornog uređenja i Federalnog ministarstva energije, rudarstva i industrije.

6. Vlada Federacije Bosne i Hercegovine preporučuje kantonalnim vladama da bez odlaganja poduzmu sve potrebne radnje kako je navedeno ovom informacijom, a posebno da omoguće zapošljavanje novih kantonalnih inspektora zaštite okoliša radi izvršavanja nesmetanog nadzora u skladu sa odredbama Zakona o zaštiti okoliša, Zakona o zaštiti zraka i drugih zakona.

Kantonalne vlade su dužne o poduzetim aktivnostima izvjestiti Vladu Federacije Bosne i Hercegovine.

7. Ovaj zaključak stupa na snagu danom donošenja.

V. broj: 602 /2023
19.04.2023. godine
Sarajevo

